

استدینا

نومرو ۲۰

پنجشنبه

۲۸ کانون ثانی ۱۳۲۴

مأمورین شهبندریسی اولیان دولتر تبعه سنک معاملات و منافع تجاریه سنه نکهمبان اولویار. مارکی دوویلنووک تشبثایله وجود بولان مواد مهمه نك باشلوجهلری فرانسلره برأجراً طونه بحرسياه تجارتی کشاد ایدن ۵۹ نجی ؛ تجارت دلالارینک (صمصار) حال و موقعی تنظیم و سرپرستجه انتخاب اولنه جقلری بیان ایدن ۶۰ نجی ؛ ایاجی و قواسلوسلرینه خبرویرلمکسزین ضابطه مأمورلرینک فرانسلرک مسکنلرینه دخوللرینی منع ایدن ۷۰ نجی و فرانسلولره اک زیاده نائل مساعده ملت معامله سی بخش ایدن ۷۳ نجی ماده لر در .

بومعااهده فرانسه تجارتیه انبساط و یردی . مارسلیا تجارت اوطه سی معناد اولان امتعه نك ارسالاتیه اکتفا ایتیوب لیونك ایپکلی قاشلریله مواد مذهبییه اخراجانه باشلایوب بولره فیائنک یوکسک اولمسلیله برابر آلیجیلر بولدی . برمدت صوکرده فرانسه نك آمریکا مستعمرانده یتیشن قهوهدن اخراجات یادی وقهوه مملکتیزده برمشروب ملی اولدی . هر نقدر بوجنس قهوه یمن قهوه سندن اشاغی ایسه ده اکا نسبتله اوجوز اولدیغندن مستهلکچر چوغالدجه چوغالوب فرانسر مستملکاتی قهوه سنه ترکیا مهم برخرج اولدی . فرانسه اطه لرنده اعمال اولنان شکر دخی شرق پیاسه لرینه دوکولوب اندن دون جنسده اولان مصر شکرینک یرینی طوتدی .

اشته ۱۱۵۳ قایتولاسیونندن فرانسلرک استحصال ایلدکری باشلوجه منافع

شونلر در .

ابن الضیا

— جبل لبنان حقیقه —

عثمانیلرک وجوده کتیردکری ۱۰ تموز انقلاب مسعودینی متعاقباً عموم افراد ملتک نظر و مشغولیتی مجلس مبعوثان عثمانیه کوندریله جک و حقوق عثمانیه یی بلاتفریق جنس و مذهب مدافعه ایده جک مبعوثانک انتخاباتی مسئله مهمه سنه انعطاف ایلمش ایدی. اوتوز اوج بیلدر بارکران استبداد آلتنده ایکلین ملتک فاتحه ایام سرور و سعادتتی مجلس ملینک یوم کشادی تشکیل ایده جک ایدی بالطبع استبدادک اک خبیث ، اک الیم صفحتاتی کورمش ، اکلامش اولان

پای تحت اہالیسی کندی مبعوثلرینی انتخاب خصوصندہ دامن درمیان غیرت اولدقلری بر ائنادہ عموم ولایات عثمانیہ دہ یکدیگری نہ مسابقہ ایدرجہ سنہ وکلاسی انتخاب ایلہ مشروطیت عثمانیہ اساسلرینی احضار ایتمکدہ لر ایکن ۱۸۶۰ سنہ میلادیہ سندہ مختاریت اداره یہ نائل اولان جبل لبنان اہالیسی مشروطیت عثمانیہ یہ اشتراک خصوصندہ ایکی یہ انقسام ایلدی. حکومت عثمانیہ جبل لبنان اہالیسی انتخاباتہ بالخاصہ دعوت ایلہ کتلہ عثمانیہ یہ اشتراکی تأمین ایتک حقدہ ابراز معاونت ایتدی. جبل لبنان اہالیسنک بر قسمی کال خواہشلہ بو دعوت وطنپرورانہ یہ اشتراک ایتک ایتدی. بو قسم اساساً اکثریت اہالیینی تشکیل ایتمکہ برابر آرزوسنہ موفق اولہ میوردی زیرا بو قسم اہالی متصرف و طرفدارانک پنجه قهر و ظلمندہ ایتکلمک ایچون خلق اولنیش عدایدیلور و طرف غالب دیگر ايسہ محدود اولغلہ برابر انفاذ ارزودہ نائل امل اولیوردی قوۃ تشریعۃ عثمانیہ یہ اشتراک ایلہ بو وطن مقدسک اولادلرندن اولدقلرینی اثبات ایتک ایستین طرف مغدورک آوازۃ شکایتی لایق اولدینی اہمیت ایلہ دیکنمدی امید ایدرزکہ ایکی یہ انقسام ایدن جبل اہالیسی اتحاد عثمانیہ داخل اولہ رق عثمانی بایراغی آلتندہ بونجه سنہ در کال رفاه ایلہ تأمین سعادت ایلدکلری کبی بوندن سوکرده عموم عثمانیلر ایلہ دست بدست وفاق اولورلر.

ظہوری محتمل اولان شو اختلافانک اوکئی آملقلغہ خادم بعض تدابیری حاوی اولماق اوزرہ بوندن بش سنہ اول سیسام بکی اسبق یانقو ویطنوس افندی حضرتلری طرفندن اعطا قلنان بر لایحہ (استشارہ) یہ درج ایدمک اوزرہ کوندردیکندن بروجہ آتی قارئین محترمه مزک انظار تدقیقنہ وضعہ مبادرت ایلبورزہ مطالعہ نامہ صورتی

اجزای متممۃ ممالک محروسہ دن بولنان جبل لبنان سنجاغی نظامنامہ مخصوصنک احکامی حکومت علیہ نک صورت ترتیب و تشکیلیلہ متصرفنک انضباط مملکت خصوصندہ کی درجۃ افتدار و صلاحیتی و اہالیدن تحصیل اولنہ حق ویرکوی سنوینک مقداری ایلہ محل صرفنی صورت بمجلہ دہ بیاندن عبارت اولوب امور عدلیہ و ملکیکہ و نافعہ و مالیہ و ضابطہ جہ و الحاصل امور ادارۃ مملکتجہ شعبات

اداره به مودوع و محول وظائفك صور اجرائيه سندن و بو وظائفك ايفاسنده دستور العمل طوطيله حق قواعد و احكامدن اصلاً باحث اولما مغله مأمورين و مجالس و محاكم محليه نك بو خصوصاً آنده دولت عثمانيه نك قوانين و نظامات عموميه سنده توفيق حركت ايتلمري لزومي مجزوم و نظامنامه مخصوص مذکور تنظيم اولنديني زمانده قوانين و نظامات دولتك عددی غایت محدود و معاملات حكومتك قسم اعظمی مأمورين محليه نك رأيه محول بولنديني حالده اول تاريخدن بو آنه دكين حسن تمشيت امور مملكته خادم دستورلر طولوسي نظامات نشر اولمش و بونلرك نشر اولدقلري آندن اعتباراً ولايات سائرده اولديني مثللو جبل لبنان سنجـا غنه احسان بيوريان مساعداته خلل كلمك اوزره اوراده دخی موقع اجرائيه وضعی و مأمورين محليه نك معاملات عرفيه سنك رفی لازم كلور ايكن بر خيليسي هر فصل ايسه اوراجه اجراسز قلش و متصرف لاحق طرفدن تحرير نفوس نظامنامه سی و ولايات بلديه قانونی و مقاولات محررلكی نظامنامه سی ايله محاكم تعرفه لری و اوزان و اكيال نظامنامه سی كبی نظاماتك موقع اجرائيه وضعنه تشبث اولمش ايسه ده تشبثات واقعه نك بعضيسنده اصابت ايدلماش و نظامات مذكوره نك بعض احكامی تعامل قديم محلی به مغاير اولديني ادعاسيله برطاقم ارباب فساد طرفدن مخالفت اولمش اولديني كبی بو مثللو نظاماتك موقع اجرائيه وضعی نتیجه سی اوله رق حصوله كه حك و اردانك هانكي طرفه عائد اوله جنی حقنده دخی متصرفلق ايله بعض دوائر مركزيه جه تردد حاصل اولش اولديفنندن تشبثات واقعه شمدي به قدر عقيم قالدقندن ماعدا برطاقم مشكلات و مسائلك حدوثه دخی سيبيت و ير مش و بو مشكلاتك حلی ايله مسائلك تسويه سی بو دفعه شورای دولتيجه دردست تذکر بولمشدر .

مسئله فوق العاده اهميت و نزاکتی حاز اولوب چونكه جزئی بر مساعه حقوق دولت عليه لرينك اخلال و بالعكس لزومندن زياده بر امسالك ايلروده بعض سفارات اجنبیه نك اعتراضات و مداخلاتی منجر اوله رق بر مسئله سياسي نك حدودی دعوت ایده بيله چكندن و نظامات مذكوره نك جبل لبنانده موقع اجرائيه

وضعندن صرف نظر اولنور دینله جك اولور ایسه شمدي به قدر سائر ممالك عثمانیهده مأمورینك معاملات عرفیه سنی تقیید و اداره محلیه بی تنظیم مقصد خیر مرصدیله نشر بیورلمقده و کوندن کونه احتیاجات زمانیه کوره تعدیل و اكمال ایدلمکده اولان بونجه نظاماتك تأثیرات حسنه سندن اهالی بی متصرفك افاده سنجه بشیوز بیک نفوسه بالغ اولان واحوال محلیه به واقف اولان بعض کیمسه لرك روایتنجه بو مقداری يك چوق تجاوز ایدن و اهمیت و نزاکت موقعیه سی و ثروت محلیه سی معلوم اولان جبل لبنان کبی بر قطعه مهمه بی محروم بر افاق دیمك اوله جفتدن ماعدا نظام سزلق حالنك دوامندن بر طاقم اویمونسز لقلرك تولدی ملحوظ اولغله و بو خصوصاتك صورت حسن تسویه سی حقنده رأی مصیب ویره بیلیمك معلومات محلیه عمیقیه متوقف بولمغله امور دیده و قانون اشنا ایکی اوج ذاندن مرکب بر قومیسونك تشکیلی و محلی ایله مخبره اجرایی ایله جبل لبنانجه موقع اجراییه وضعی لازم ایکن هنوز اجرا اولنماش قوانین و نظاماتك حقوق دولت علیه ایله لوی مذکور نظامنامه مخصوصی احکامنه اصلاخلل کتورلمکسزین موقع اجراییه صورت وضعنك تعینی و شاید تسویه کیفیت مخبره صورتیه قابل اوله مدینی تقدیرده علاقه دار اولان سفارتلرله سوزلشیله رك بر ایکی مأمورك جبل لبنانه اعزامیله تسویه مصلحت ایدلمسی ایلروده ظهوری محتمل اولان بو ایشلره متعانی اوراقك مطالعه سندن حسن اولنان محاذیرك اوکنك آلمسینه خدمت ایده جکی وارد خاطر کترانهم اولمغله اولبابده .

یانقو و یطنوس

مجلس مبعوثان مذاكراتی

دوائر مرکزیه مأمورین و معاملاتنك تنسیق حقنده مبعوثان کرام طرفندن متعدد امضا ایله اعطا اولنان لایحه نظامیه صورتیدر

مدید بر سوء اداره نتیجه سی اوله رق احوال عمومیه دولتک تنظیم و اصلاحی مقتضی اولوب انجیق بو قدر اصلاحاتک آز زمانده فعله کتورلمسی ممکن